



BOSNIA AND HERZEGOVINA
Ministry of Communication and Transport
Directorate of Civil Aviation

Broj: 1-2-50-185-2/21
Banja Luka, 26. 4. 2021. godine

Na osnovu člana 14. stav (2) Zakona o slobodi pristupa informacijama u Bosni i Hercegovini („Službeni glasnik BiH“, br. 28/00, 45/06, 102/09, 62/11 i 100/13), čl. 222. st. (1) i 223. st. (1) i (2) Zakona o upravnom postupku Bosne i Hercegovine („Službeni glasnik BiH“, br. 29/02, 12/04, 88/07, 93/09, 41/13 i 53/16), postupajući po zahtjevu R. T. , iz Sarajeva, generalni direktor Direkcije za civilno vazduhoplovstvo Bosne i Hercegovine donosi:

RJEŠENJE

I

kojim se **uvažava žalba** na Rješenje, broj: 1-2-50-185-2/21 od 18. 3. 2021. godine, i u cjelosti **ODOBRAVA** pristup informacijama pod kontrolom BHDCA.

II

Protiv ovog rješenja može se izjaviti žalba.

Obrazloženje

Dana 21. 4. 2021. godine Direkcija za civilno vazduhoplovstvo BiH (u daljem tekstu: BHDCA) zaprimila je žalbu na Rješenje, broj: 1-2-50-185-2/21 od 18. 3. 2021. godine, u kojoj se podnosilac žalbe, R. T. iz Sarajeva, žalio da mu nije dostavljen odgovor na drugo pitanje povodom njegovog Zahtjeva za pristup informacijama.

R. T. je podnio zahtjev da mu se dostave informacije sa sastanka koji su predstavnici Direkcije za civilno vazduhoplovstvo BiH imali sa vršiocem dužnosti pomoćnika ministra za građevinarstvo, saobraćaj i infrastrukturu Republike Srbije i predstavnicima Direktorata civilnog vazduhoplovstva Republike Srbije, dana 4. 2. 2021. godine u Beogradu. Podnosilac zahtjeva je tražio da mu se dostave sljedeće informacije:

1. „Ko je bio u delegaciji Direkcije za civilno vazduhoplovstvo BiH, poimenično, sa naznakom koju dužnost trenutno obavljaju?;
2. Da li se na ovom susretu razjasnilo koji su razlozi naglog prekida rada Agencije za kontrolu vazdušnog saobraćaja Srbije i Crne Gore na kontroli dijela vazdušnog prostora BiH u 2020. godini s obzirom da je narušen ionako slab i neustavni sistem kontrole bh vazdušnog prostora?“

Postupajući u skladu sa članom 223. st. (1) Zakona o upravnom postupku, BHDCA je utvrdila da je žalba dopuštena, pravovremena i izjavljena od ovlaštenog lica.

Postupajući na osnovu člana 14. stav (2) Zakona o slobodi pristupa informacijama u BiH, BHDCA je u cjelosti odobrila pristup informacijama kako je navedeno u dispozitivu ovog rješenja i podnosiocu zahtjeva dostavlja sljedeću informaciju:

1. Delegaciju Direkcije za civilno vazduhoplovstvo BiH na pomenutom sastanku činili su:
 - Čedomir Šušnjar, v.d. generalnog direktora BHDCA,

- Stojanka Supić, pomoćnik generalnog direktora BHDCA za finansije i računovodstvo,
 - Radenko Dubravac, šef Odjeka za licence letaćkog osoblja BHDCA.
2. Nakon održanog sastanka u Beogradu, Direkcija za civilno vazduhoplovstvo BiH je na svojoj web stranici (www.bhdca.gov.ba), 5. 2. 2021. godine, objavila saopštenje za javnost pod naslovom „Sastanak predstavnika BHDCA i vazduhoplovnih vlasti Srbije“, na kojem je navela i teme o kojima je razgovarano na sastanku u Beogradu.

BHDCA je utvrdila da je žalba imenovanog opravdana i da nije potrebno sprovoditi novi postupak, te na osnovu člana 223. stav (1) Zakona o upravnom postupku Bosne i Hercegovine donosi novo Rješenje o pristupu informacijama, zbog čega je odlučeno kao u stavu I dispozitiva rješenja.

BHDCA je u cjelosti odobrava pristup informacijama kako je navedeno u dispozitivu ovog rješenja i podnosiocu zahtjeva dostavlja sljedeću informaciju:

1. Delegaciju Direkcije za civilno vazduhoplovstvo BiH na pomenutom sastanku činili su:
 - Čedomir Šušnjar, v.d. generalnog direktora BHDCA,
 - Stojanka Supić, pomoćnik generalnog direktora BHDCA za finansije i računovodstvo,
 - Radenko Dubravac, šef Odjeka za licence letaćkog osoblja BHDCA.
2. Delegacije nisu razgovarale o navedenoj temi iz pitanja br. 2. Na sastanku je bilo riječi o saradnji na budućim projektima u oblasti civilnog vazduhoplovstva u BiH, te o osposobljavanju i unaprijeđenju kvalifikacija i kompetencija osoblja BHDCA, što se može vidjeti i iz zvaničnog saopštenja koje se nalazi na web stranici (www.bhdca.gov.ba) od 5. 2. 2021. godine. U prilogu Rješenja, BHDCA dostavlja saopštenje za javnost po naslovom „Sastanak predstavnika BHDCA i vazduhoplovnih vlasti Srbije“.

U skladu sa članom 223. stav (2) Zakona o upravnom postupku Bosne i Hercegovine odlučeno je kao u stavu II dispozitiva rješenja.

U skladu sa članom 16. Zakona o slobodi pristupa informacijama u BiH, podnosilac zahtjeva oslobođen je plaćanja taksi i naknada na ovo rješenje.

Uputstvo o pravnom lijeku: Protiv ovog rješenja može se podnijeti žalba Žalbenom savjetu pri Savjetu ministara BiH kao drugostepenom organu i prigovor Ombudsmenu za ljudska prava BiH.



Prilog:

- Saopštenje za javnost po naslovom „Sastanak predstavnika BHDCA i vazduhoplovnih vlasti Srbije“.

Dostavljeno:

- R. T.

71 000 Sarajevo

- Žalbeni savjet pri Savjetu ministara BiH,

- a/a.